



## IlS mammals dal Grischun – ina survista

En il Grischun vivan almain 75 spezias da mammals ch'èn uschè differentas sco in pipistrel nanin ed in tshierv. Tuttas possedan dentant las caracteristicas tipicas dals mammals, sco per exempel in pail, glondas da latg ed ina dentadira cun quatter tips da dents. Per l'emprima giada cumpara uss ina broschura, nua che tut las spezias vegnan preschentadas. En il center stat la descripciun da la derasaziun geografica che vegn documentada per mintga spezia cun ina carta. Per in chantun da muntogna sco il Grischun è er la derasaziun tenor autezza d'in interess spezial.

La broschura n'è dentant betg in cudesch per classifitgar ils animals! Per pudair duvrar correctamain la litteratura usitada da classificaziun vegni inditgà tar mintga spezia, sch'ella sa lascha classifitgar levamain, sco per exempel in erizun, u sche metodos geneticas èn eventualmain schizunt necessarias per far ina distincziun segira, sco quai ch'igl è il cas tar las trais spezias da la mieur da guaud. Ina curta caracterisaziun da la moda da viver da mintga spezia duai gidar la lectura ed il lectur da pudair interpretar la derasaziun dals mammals en las differentas regions ed autezzas.

Nus na savain anc adina betg tut davart l'existenza e davart la derasaziun da bleras spezias da mammals en il Grischun. La broschura è ina basa per perscrutar ils mammals dal Grischun e duai animar uschè bleras personas sco pussaivel da collavurar activamain. Ella cuntegna perquai per mintga spezia ina glista da las dumondas avertas ed er ina instrucziun per rimnar e per communitgar observaziuns.

La broschura sa drizza a tut las personas che s'interessan per ils mammals dal Grischun. Per l'emprima giada chattan personas d'instrucziun, chatschadras e chatschaders sco er protecturas e protecturs da la natira indicaziuns concretas davart l'existenza e davart la derasaziun da tut las spezias da mammals en il Grischun.

Die Säugetiere Graubündens – eine Übersicht

Jürg Paul Müller, Hannes Jenny, Miriam Lutz, Erich Mühlethaler, Thomas Briner

Herausgeberin Stiftung Sammlung Bündner Naturmuseum

184 Seiten, Softcover mit Klebebindung; Verlag Desertina

ISBN 978-3-856337-389-4; CHF 38.-

